



KOMMUNEQARFIK
SERMERSOOQ

Allaaserinnittoq:

Meeqqanut Atuarfeqarnermullu Ingerlatsivik

Kommuneqarfik Sermersooq

Imarisaa

Kommuneqarfik Sermersuumi tapiissuteqarnermut malittarisassat	2
§ 1. Tapiissuteqartarnermut tunngaviit.....	2
§ 2. Tapiissutininik agguaassineq	4
Sammisassat timersornermut attuumassuteqartut.....	4
§2.1. Aningaasanik agguaassineq (Pulje 1)	4
§ 2.2. Inunnut immikkut pisariaqartitsisunut akuutitsilluni sammisassanut tapiissutit (pulje 2)	6
§ 2.3. Atuanngiffeqarnermi sammisassat (pulje 3).....	6
§ 3 Tapiissutit ukununnga atorneqarsinnaanngillat	6
§ 4 Sumiginnaaneq.....	7
§ 5 Atuutilerfissaa atorunnaarsitsinissarlu pillugit aalajangersakkat	7

Kommuneqarfik Sermersuumi tapiissuteqarnermut malittarisassat

Uani peqatigiiffiup Kommuneqarfik Sermersuumit tapiiffigineqarnissaminut suut piumasaqaataanersut atuarsinnaavatit.

Kulturimik ingerlatsineq sunngiffimmilu sammisassaqtitsineq pillugit Inatsisartut inatsisaat nr. 5, 6. juni 2016-imeersoq kiisalu Timersorneq timigissarnerlu pillugit Inatsisartut inatsisaat nr. 15, 6. juni 2016-imeersoq naapertorlugit Kommuneqarfik Sermersooq kulturilerinermut, sunngiffimmut kiisalu timersornermut timigissarnermullu tunngasunut tapiissuteqartarpoq.

Kulturimik ingerlatsinernut sunngiffimmilu sammisaqtitsinernut imaluunniit timigissarnermut timersornermullu inatsisini allani malittarisassiorneqarsimasunut tapiissuteqartoqarneq ajorpoq.

Kommuneqarfik Sermersuup tapiissuteqartarnermut malittarisassai inunnut ataasiakkaanut peqatigiiffinnullu Kommuneqarfik Sermersuumi najugaqartunut/angerlarsimaffeqartunut atuupput.

Peqatigiiffiit tapiiffigineqassagunik peqatigiiffinnut nittartakkami Sammisassat.gl. nalunaarsorsimasariaqarput. Peqatigiiffiup paasisutissaatai kingulliit nutartikkat §1.2-mi allassimasutut kingusinnerpaamik 1. novembari uani Sammisassat.gl allanneqarsimassapput, tapiissutit pissutsit atuuttut malillugit tunniunneqarniassammata.

Kommunalbestyrelsip ukiumut tapiissutinut atugassat annertussusilertarpai.

§ 1. Tapiissuteqartarnermut tunngaviit

§ 1.1.

Tapiissutit ukiumoortumik januaarimi tunniunneqartarput. Peqatigiiffiit Sammisassat.gl-imi nalunaarsuisimani malillugit ingerlatsinermut tapinik ingerlaannartumik pissarsissapput, §1.2 malillugu tapiiffigineqarnissaminik pisinnaatitaagunik. Peqatigiiffiit Sammisassat.gl-imi nalunaarsorneqarsimagunik taava peqatigiiffiit allat assigalugit ingerlatsinermut tapit amerlaqataannik pissapput. Aamma ilaasortat amerlassusii tunngavigalugit tunineqassapput, Sammisassat.gl-imi nalunaarsorneqartut malillugit.

Angalanermut tapiissutit ukiumut tulluuttumut qinnutigineqartut Sammisassaqtitsinermut Kulturimullu Immikkoortortaqqarfiimut kingusinnerpaamik 1. novembari tiguneqareersimassapput. Angalanermut tapiissutinik qinnuteqaatit, Sammisassaqtitsinermut Kulturimullu Immikkoortortamit tiguneqartut, §2.1.1-imi piumasarineqartut malillugit suliarineqassapput tamatumalu kingornatigut aningaasat qinnuteqaatit amerlassusii malillugit naatsorsorneqarlutillu agguataarneqassapput.

Peqatigiiffik pilersinneqaqqammersoq tapiiffigineqartarnissaminik kissaateqaruni, taanna Sammisassat.gl-imi peqatigiiffittut nalunaarsorneqarsimassaaq tapiissutinik tunineqannginnermini, §1.2-mi piumasarineqartoq malillugu.

Ukiumi pineqartumi 1. novembarip kingornatigut peqatigiiffiit pilersinneqartut §1.1 malillugu tapiiffigineqarnissamik qinnuteqarsinnaapput. Qinnuteqaat kisimiitillugu suliarineqassaaq nalilerneqarlunilu, tassani piumasarineqartut tapiissutissallu atuuttut tunngavigalugit tapiissutinik tunineqassanersoq aalajangiiffigineqarluni.

§ 1.2. Peqatigiiffik Sammisassat gl-imi nalunaarsorsimassaaq tapiissutininik tunineqassaguni. Nalunaarsorsimajuaannarniaraanni ukiut tamaasa peqatigiiffiup uploadertagassai:

- Malittarisassat atuuttut
- Naatsorsuutit kukkunerisuiikkat, ataatsimeersuarnermi akuerineqartut
- Ataatsimeersuarnermit imaqaarniliaq
- CVR nummer atorlugu nalunaarsorsimanissaa.
- Bankkontonormuata nalunaarsorsimanissaa
- Ilaasortat nalunaarsorneqartut
- Siulersuisut katitigaanerat

Ukiut tamaasa januaarimi tapiissutit agguanneqartarput. Tapiissutit peqatigiiffimmut tunniunneqarsinnaapput aatsaat qulaani piumasarineqartut naammassineqarsimappata. Peqatigiiffik tapiissutininik pissarsisoq tapiissutit peqatigiiffiup siunertaanut atorneqarnissai pillugu atsiussaaq.

§ 1.3. Sammisagarnermi aaqqissuussanut tamanut ataatsimoorfiusunut peqataasinnaaneq annertusarlugu, meeqqanut 18-iliinngitsunut ilaasortaannermut akiliutit annikinnerpaaffissaanniitinneqarnissaat imaluunniit akeqanngitsumik peqataasinnaanissaat peqatigiiffinnut kaammattuutigineqarpoq.

§ 1.4. Meeqqanik pinerliisimannginnermut uppersaasat

§ 1.4.1.

Peqatigiiffiit tamarmik meeqqanik innarliisimannginnermut uppersaasammik piniarnissaminnut pisussaapput, meeqqanik innarliisimannginneq pillugu Inatsisartut inatsisaat nr. 8, 19. maji 2010-meersoq malillugu. Meeqqanut 15-it inorlugit ukiulinnut ingerlatsinernut tapiiffigineqarnissamik qinnuteqartut tamanna pillugu inatsit atuuttoq naapertorlugu meeqqanik pinerliisimannginnermik uppersaasatit pissarsiarineqarsimanerat ilumoorluinnarlutik nalunaarutigissavaat.

§ 1.4.2.

Timersortartut peqatigiiffii, timersortartut klubbii, peqatigiiffiit aamma inatsisit malillugit ingerlatsisutut isigineqartut meeqqanik pinerliisimannginnermik uppersaasammik pissarsisussaataaneq inatsisini, malittarisassani malittarisassanilu taakku assingini allassimanissaa isumagissavaat, meeqqanik pinerliisimannginnermik pissarsisussaataaneq pillugu Inatsisartut inatsisaat nr. 8, 19. maj 2010-meersoq malillugu.

§ 1.5. Meeqqat inuusuttullu atuangiffeqarneranni sammisassaqartinneqarnissaannik piumasaqaat
Peqatigiiffiit tapiiffigineqartussaataasut imminnut pisussaatisapput minnerpaamik akunnerit sisamat meeqqanut inuusuttunullu atuangiffeqarfiit ilaanni, ilaasortaannngitsunut sammitinneqartunik, sammisassaqartitsinissaminnut. Sammisassaq sammisassalluunniit Sammisat.gl-imi pisussanik saqqummiivianni tamanit takuneqarsinnaassapput.

§ 2. Tapiissutiniq agguassineq

Kommunalbestyrelsemit aningaasat annertussusilerneqarsimasut, imatut agguataarneqassapput:

- Pulje 1: Peqatigiiffinnut agguassassat 82 procentit.
- Pulje 2: 3 procentit Inunnut immikkut pisariaqartitsisunut akuutitsilluni sammisaqartitsinermut tapiissutit
- Pulje 3: Atuartut atuannigffeqarneranni sammisassanut 15 procent.

Aningaasat atorineqanngitsut peqatigiiffinnut Pulje 1-ip ataaniittunut agguanneqassapput.

Atorineqanngitsunik agguassineq 1. oktobari pissaaq.

Sammissassat timersornermut attuumassuteqartut

Kommunini timersortarfiit akeqanngitsunik timersoqatigiiffinnut atukkiunneqartarput.

Naluttarfik Malik akeqanngitsunik timersoqatigiiffik Qajaq, peqatigiiffik Triatlon allanullu atortinneqartarpoq.

Tasiilami aamma Ittoqqortoormiini sisoraatinik majuartaatit illoqarfinni taakkunani sisorartartut klubbiinut akeqanngitsunik atortinneqartarput.

Nuummi Sisorarfiit tapiiffigineqartarnerannik aqqissuussineq:

1. Sungiusarnerup nalaani majuartaatip akeqanngiffia: Nuummi majuartaat sisorartartunut klubbinilaasortanut ulluinnarni sungiusarneranni peqataasunut akeqanngilaq.
2. Sungiusarnerup avataatigut majuartaammik atuineq: Piffissani sungiusarfiup avataani sisorartartut klubbiini ilaasortat majuartaammik korti atuuttoq atorlugu majuartaammik aatsaat atuisinnaapput. Klippekkortiusinnaavoq, ullormut korti allaluunniit majuartaatip assignngitsunik periarfissiinera apeqqutaatillugu korti atuuttoq. Tamanna piffissani tamani atuuppoq, sungiusarfissat aalajangersimasut avataanni

Peqatigiiffiit namminneq illuutillit, kommunimit pigineqanngitsunik, illup atorneranut aningaasartuutitut, innaallagissamut, imermut kiassarnermullu atuineq malillugu 100 %-imik tapiiffigineqarsinnaapput.

§2.1. Aningaasanik agguassineq (Pulje 1)

§ 2.1.1. Angalanermut immikkoortitat

Peqatigiiffinnut tapiissutit immikkoortinneqartut 70%-ii angalanermut aningaasaliissutaassapput.

Kingusinnerpaamik 1. novembari ukiumi tulliuttumi angalanissanut qinnuteqaatit

Sammissasaqartitsinermut Kulturimullu Immikkoortoqarfimmit tiguneqareersimassapput. Qinnuteqaatit tiguneqartut tunngavigalugit angalanermut tapiissutissat procentinngortinneqarnerat naatsorsorneqassaaq. Qinnuteqarnermut atatillugu angalanissat:

- akikinnerpaamik pissapput
- imaatigut angalanernut angallat taamaallaat ilaasunik angallassissutissatut Søfartsstyrelsemit akuerineqarsimasooq tapiiffigineqarsinnaavoq

Kalaallit Nunaanni unammiaarnernut/katerinnernut, soorlu børnecupit, Kalaallit Nunaanni pissartanngorniunnerit. Timersuutitut Kalaallit Nunaanni pissartanngorniunneqarput tunngatillugu ersoqatigiinneq tunngavigalugu tapiissuteqartoqarsinnaavoq. Kalaallit Nunaanni pissartanngorniunneqarput peqataanermut akiliummut tapiissuteqartoqarsinnaavoq.

Danmarkimi nununaniluunniit allani unammiaarnernut /katerinnernut tapiissuteqartoqarsinnaavoq, taamaattorli taamaallaat Danmarkimut angalaneq matussuserneqarsinnaalluni. Danmarkimiit nunanullu allanut ingerlaqqinnermut tapiissuteqartoqarneq ajorpoq. Danmarki avaqqullugu ingerlaarfiit akikinnerit iluaqutitalimmik atorneqarsinnaapput kisianni Kalaallit Nunaata/Danmarkillu akornanni akit tapiissutissap naatsorsorneranut atorneqartarput.

Peqatigiiffimmi peqataallutik ilaasortatut nalunaarsorsimasut tunngavigalugit tapiissuteqartoqartarpoq. Unammisussanik/ilaasortassanik "pissarsiornermut" tapiissuteqartoqarneq ajorpoq.

Angalanernut ingerlanneqareersunut tapiissuteqartoqarneq AJORPOQ, imaluunniit angalanernut tapiiffigineqarnissamut piffissaritinneqartoq malinneqarsimatinnagu.

Angalanernut tapiiffigineqarnissamik qinnuteqaatinut piumasaqaatit tulleriarinermullu allattorsimaffik:

1. Meeqqat, meeqqat inuusuttullu najugaqarnerat (18-it angullugit ukiullit) aamma utoqqalinersiallit - 100% angullugu angalanermi tapiiffigineqarsinnaapput
2. Inersimasut, inersimasullu najugaqarnerat (18-it sinnerlugit ukiullit) - 80 % angullugu angalanermi tapiiffigineqarsinnaapput

Holdimut ataatsimut taamaallaat ukiumut marloriarluni tapiissuteqartoqarsinnaavoq (imaluunnit inummut ataatsimut kisimi timersornermut peqataasumut), angalanerulli aappaa kingullertut pingaarnersiorneqassaaq. Angalanerit pingajuannut tapiissuteqartoqarneq ajorpoq.

- Meeqqanut angalanerup aappaa, meeqqat inuusuttullu najugaqarnerat (18-it angullugit ukiullit) aamma utoqqalinersiallit - angalanermi tapiissutit 80 %-ianik tapiiffigineqarsinnaapput
- Inersimasunut angalanerup aappaa, inersimasullu najugaqarnerat (18-it sinnerlugit ukiullit) - angalanermi tapiissutit 60 % angullugu tapiiffigineqarsinnaapput

Qinnuteqarnermi annerpaaffissaq aamma peqatigiiffimmut ataatsimut tapiissut: 1.000.000,- koruunit

§ 2.1.2. Ingerlatsinermut tapiissutit

Peqatigiiffinnut tapiissutit 5 %-ii Sammisassat gl.-imi peqatigiiffiit nalunaarsorneqarsimasut akornanni assigiimmik agguataarneqassapput. Aningaasat taakku peqatigiiffinnut tamanut assigiipput.

Ingerlatsinermut tapiissutinik pissagaanni Sammisassat gl.-imi nalunaarsorsimasariaqarpoq. Aningaasanik tunniussineq ukiumut ataasiarluni nammineertumik januaarimi pisarpoq. Peqatigiiffiit ingerlatsinermut tapiissutit sumut atorneqarnissaat namminneerlutik aalajangiiffigissavaat, taamaattorli §3 takuuk.

§ 2.1.3. Ilaasortanut tapiissutit

Ataatsimut tapiissutit 25%-ii peqatigiiffiit akornanni agguataarneqassapput taakku Sammisassat.gl.-imi ilaasortamik nalunaarsorsimanerat tunngavigalugu. Peqatigiiffiit assigiimmik ilaasortamut ataatsimut tapiiffigineqassapput ukiui tunngavigalugit assigiinngisitaartunik: Ilaasortanut 18-it inorlugit ukiulinnut tapiissutit ilaasortanut 18-it sinnerlugit ukiulinniit marloriaataapput. Agguaneq januaarimi nammineq ingerlasarpoq, Sammisassat.gl.-imi ilaasortat pillugit paasissutissatut nalunaarsukkat tunngavigalugit.

§ 2.2. Inunnut immikkut pisariaqartitsisunut akuutitsilluni sammisassanut tapiissutit (pulje 2)

Aningaasat 3 %-ii peqatigiiffinnut suliniutinulluunnit, inunnik atukkamikkut, aningaasaqarnikkut, timikkut, tarnimikkut imaluunniit peqqissutsimikkut pisariaqartitsisunik akuutitsillutik sulialinnut agguanneqarsinnaapput. Uani sammisassat, suliniutit imaluunniit ilaasortanngortitsiniutit pineqarput, peqataanissamik ingerlalluarnissamillu siunertallit. Aningaasaliissutit suliniutinut, ataatsimoornermik nukittorsaasunik, taakku sammisanut peqqinnartunut isumalinnullu peqataanissaannik periarfissiisunut tapiissutaapput.

§ 2.3. Atuanngiffeqarnermi sammisassat (pulje 3)

Atuartut atuanngiffiisa nalaani sammisassaqartitsisarnermi siunertaavoq, meeqqat inuusuttullu pisunut sammisassanut peqataanissaannut aggersarnissaat, tassa aaqqissuussat Kommuneqarfik Sermersuumit peqatigiiffiit allalluunniit peqatigalugit aaqqissuussai, soorlu timersorneq aamma isumassarsiorluni sammisassaqartitsineq.

§ 2.4. Nalunaarusiorneq

Nalunaarusiap imarissavai:

1. Naatsorsuutit: Tapiissutit qanoq atorneqarsimanerat pillugu naatsumik takussutissaliaq.
2. Sammisassat: Sammineqartut tapiiffigineqartut kiisalu peqataasut qassit peqataanerat pillugit nassuiaat.
3. Inerniliussat: Tapiissutit peqatigiiffiup anguniagaanut qanoq angusaqartitsisimanerat pillugu naatsumik nassuiaat.
4. Assit: Peqatigiiffiup ukiup ingerlanerani sammisaqartitsinerneq assit nalunaarusiaq nassiunneqarpat ilanngullugit nassiutissavai. Assit taakkua Kommuneqarfik Sermersuup nutaarsiaasaatiminut ilanngullugit atorsinnaavai, peqatigiiffiit suliaannik erseqqissaanermini kiisalu allatigut attaveqatigiinnermut siunertalinnut. Peqatigiiffiup akisussaaffigivaa meeqqanik assiniittoqartillugu angajoqqaat akuersissutaannik pissarsinissap qulakkeerneqarnissaa.

Nalunaarusiaq tassungalu qulaani atortut taaneqartut ilanngullugit kingusinnerpaamik 1. novembari Sammisassat.gl.-imut uploaderneqassaaq.

§ 3 Tapiissutit ukununga atorneqarsinnaanngillat:

§ 3.1.

Kulturikkut ingerlatsineq sunngiffimmilu sammisassaqartitsineq pillugit Inatsisartut inatsisaanni nr. 5, 6. juuni 2016-imeersumi § 9 imm. 5 naapertorlugu politikkimik, upperisarsiornermik sulisullu kattuffeqarnerannut siunertanut tapiissuteqartoqarsinnaanngilaq.

§ 3.2.

Kulturikkut ingerlatsineq sunngiffimmilu sammisassaqartitsineq pillugit Inatsisartut inatsisaanni nr. 5, 6. juuni 2016-imeersumi ilinniarnertit inuussutissarsiornermilu piginnaasaqalersitsisunik ilinniartitsinerit ilaanngillat. Kulturikkut ingerlatsineq sunngiffimmilu sammisassaqartitsineq pillugit Inatsisartut inatsisaat nr. 5, 6. juuni 2016-imeersoq naapertorlugu paasisassarsiorluni angalanerit assigisaalluunniit ilinniarnermut aamma inuussutissarsiuutinut piginnaasaqalersitsisumik ilinniarnernut ilinniartitsinerinulluunniit ilaasunut tapiissuteqartoqarsinnaanngilaq.

§ 3.3.

Meeqqat inuusuttullu suliniaqatigiivinut init silamilu ingerlatsiviit pillugit Namminersornerullutik Oqartussat nalunaarutaat nr. 20, 27. septembari 1988-imeersoq naapertorlugu nalliuttorsiorluni katerisimaarnernut, naggataarluni nalliuttorsiornernut, qititsitsinernut assigaannullu tapiissuteqartoqarsinnaanngilaq

§ 3.4.

Tapiissutit sammisassaqtitsinerni aaqqissuussaniluunniit imigassamik aalakoornartortalimmik sassaallerfiusuni tuniniaaffiusuniluunniit atorneqassanngillat.

§ 3.5.

Ingerlatsinernut, aaqqissuussinernut suliniutinulluunniit innuttaasunik tunngavissaqanngitsumik immikkoortitsiviusunut tapiissutit atorneqaqqusaanngillat.

§ 3.6.

Kommune peqatigiiffinnut siulersuisuni ilaasortanik akissarsiaqartitsisunut tapiissuteqarneq ajorpoq.

§ 4 Sumiginnaaneq

Tunngaviit qulaaniittut sumiginnarneqarsimatillugit tapiissutit utertillugit akilerneqarnissaannik kommune qinnuteqartumut piumasaqarsinnaavoq.

§ 5 Atuutilerfissaa atorunnaarsitsinissarlu pillugit aalajangersakkat

§ 5.1.

Kommuneqarfik Sermersuumi sunngiffimmi sammisassaqtitsinermut, timigissarnermut, timersornermut aamma peqatigiiffinnut tapiissuteqartarneq pillugu malittarisassat 1. januaari 2025 atuutilersinneqassapput.

§ 5.2.

Peqatigitillugu Kommuneqarfik Sermersuumi sunngiffimmi timersornermilu tapiissuteqartarnermut malittarisassat 2023-meersut atorunnaarsinneqarpoq.

Ulloq:

Borgmesteri

Avaaraq Olsen